



卷九十八

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷九十八
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

傳靳蒯成列傳第三十八 史記九十八

陽陵侯地理志云馮相陽陵縣傳寬以魏五大夫騎將

從為舍人起橫陽索隱曰按橫陽邑名在韓韓公子成初封橫陽君張

良立為韓王也○正義曰括地志云故橫城在宋州宋城縣西南三十里按蓋橫陽也

從攻安陽正義曰後魏地形志云已氏有安陽城隋改已氏為楚丘今宋州楚

丘縣西十里安陽故城是也扛里擊趙賁軍於開封及擊

揚熊曲遇正義曰曲丘羽反遇牛恭反司馬處郡國志云中牟有曲遇聚按鄭

州中牟縣也陽武正義曰鄭州縣也斬首十二級賜爵卿

從至霸上沛公立為漢王漢王賜寬封號共

德君索隱曰謂美號耳非地邑共音恭從入漢中遷為右騎

將從定三秦賜食邑雕陰徐廣曰屬上郡○索隱曰案孟康云

縣名也○正義曰鄜州洛交縣三十里雕陰故城是也從擊項籍待懷

服虔曰待高帝於懷○索隱曰小顏案地理志懷屬河內今懷州也賜爵通德

侯從擊項冠周蘭龍且所將卒斬騎將一人

敖下徐廣曰敖倉之下益食邑屬淮陰索隱曰張晏云信時為將

云淮陰者擊破齊歷下軍擊田解屬相國參終言之也

史記卷九十八

殘博索隱曰博太山縣也顧杪監云屬曹參以殘破博縣也益食邑因

定齊地剖符世世勿絕封為陽陵侯二千六

百戶除前所食為齊右丞相備齊張晏曰時田橫未降

故設屯備○正義曰五歲為齊相國正義曰

按為齊王韓信相相五歲也四月擊陳豨屬太尉勃以相國代

丞相嘗擊豨一月徙為代相國將屯如淳曰既為相

國有警則將卒而屯守也案律謂勒夫而守

曰屯○索隱曰如淳云漢初諸王官屬如漢

朝故代有丞相案孔文祥云邊境有屯兵二

歲為代丞相將屯孝惠五年卒謚為景侯子

須侯精立二十四年卒子共侯則立十二年

卒子侯偃立二十一年坐與淮南王謀反死

國除

信武侯靳歙索隱曰歙音翕以中涓從起宛胸正義曰上

於元反下求俱攻濟陽正義曰曹州宛胸縣

反曹州縣也故破李由軍擊秦軍亳南開封東北斬騎十

人將一人徐廣曰將一作侯首五十七級捕虜七十

三人賜爵封號臨平君又戰藍田北斬車司馬二人張晏曰主官車騎長一人張晏曰騎之長首二十八級捕虜五十七人至霸上沛公立為漢王賜敘爵建武侯遷為騎都尉從定三秦別西擊章平軍於隴西破之定隴西六縣所將卒斬車司馬侯各四人騎長十二人從東擊楚至彭城漢軍敗還保雍丘去擊反者王武等略梁地別將擊邢說軍張晏曰特起兵者也說音悅○索隱曰邢姓說

名蓄南

徐廣曰今曰考城○索隱曰破之身蓄音災今為考城屬濟陰也

得說都尉二人司馬侯十二人降吏卒四千

六百八十人破楚軍滎陽東三年賜食邑四

千二百戶別之河內擊稍將賁郝上音肥下音釋○索

隱曰漢書非趙賁軍案此在河內非曹參樊噲之所擊也軍朝歌破之所

將卒得騎將二人車馬二百五十匹從攻安

陽以東至棘蒲下七縣別攻破趙軍得其將

司馬二人侯四人降吏卒二千四百人從攻

下邳鄆別下平陽

徐廣曰鄆有平陽城○正義曰括地志云平陽故城

在相州臨漳縣西二十五里

身斬守相所將卒斬兵守郡

守各一人

孟康曰將兵郡守

降鄴從攻朝歌邯鄲及

別擊破趙軍降邯鄲郡六縣

徐廣曰鄆邯高帝改曰蒲國

還軍敖倉破項籍軍我臯南擊絕楚饗道起

滎陽至襄邑破項冠軍魯下

正義曰魯城之下今兗州曲阜

也略地東至繒邾下邳

素隱曰案地理志繒屬東海○止義曰今

繒城在沂州丞縣下邳泗水縣邳縣屬海州

南至蘄竹邑素隱曰二邑名

蘄在沛音機竹即竹邑

擊項悍濟陽下還擊項籍陳下

破之別定江陵降江陵柱國大司馬以下八

人身得江陵王

素隱曰案孔文祥云共敖子共尉

生致之雒

陽因定南郡從至陳取楚王信剖符世世勿

絕定食四千六百戶號信武侯以騎都尉從

擊代攻韓信平城下還軍東垣有功遷為車

騎將軍并將梁趙齊燕楚車騎別擊陳豨丞

相敵破之

素隱曰小顏云侯敵也

因降曲逆從擊黥布

有功益封定食五千三百戶凡斬首九十級
虜百三十二人別破軍十四降城五十九定
郡國各一縣二十三得王柱國各一人二千
石以下至五百石徐廣曰一本無此五字三十九人高
后五年歎卒謚為肅侯子亭代侯二十一年
坐事國人過律索隱曰案劉氏云事役使也謂使人違律數多也孝
文後三年奪侯國除

蒯成侯繆者服虔曰蒯音管蒯之蒯○索隱曰姓周名繆音薛蒯者鄉名案



三倉云蒯鄉在城父縣音裴漢書作蒯從蒯從邑今書本並作管蒯音姦非也蘇林音簿惟反晉灼案切臣表屬長沙崔浩音簿壞反楚漢春秋作蕙成侯則裴蕙聲相近此得其實也○正義曰括地志云蒯亭在河南西十四里苑中輿地志云蒯成縣故陳倉縣之故鄉聚名也周繼所封也晉武帝咸寧四年分陳倉立蒯城縣屬始平郡也沛人也
姓周氏常為高祖參乘以舍人從起沛至霸上西入蜀漢還定三秦食邑池陽正義曰雍州涇陽縣西北三里池陽故城是也東絕甬道從出度平陰遇淮陰侯兵襄國軍乍利乍不利終無離上心徐廣曰蒯

成侯表云遇淮陰侯軍襄國楚漢約分以縹
鴻溝以縹為信武侯戰不利不敢離上以縹
為信武侯食邑三千三百戶高祖十二年以
縹為蒯成侯除前所食邑上欲自擊陳豨蒯
成侯泣曰始秦攻破天下未嘗自行今上常
自行是為無人可使者乎上以為愛我賜入
殿門不趨殺人不死至孝文五年縹以壽終
謚為貞侯正義曰謚為子昌代侯有罪國除
至孝景中二年封縹子居代侯徐廣曰表云

封縹子應為鄆侯謚康中二年侯居立沛郡
有鄆縣鄆一作鄆○索隱曰鄆蘇林音多屬
陳國地理志云沛郡有多縣案
此文云子居表云子應不同者至元鼎三年
居為太常有罪國除

太史公曰陽陵侯傳寬信武侯斬斂皆高爵

徐廣曰一無高字
又一本皆從高祖從高祖起山東攻項籍誅

殺名將破軍降城以十數未嘗困辱此亦天

授也蒯成侯周縹操心堅正索隱曰搏身不

見疑上欲有所之未嘗不垂涕此有傷心者

徐廣曰此一作比此然可謂篤厚君子矣

索隱述贊曰

陽陵信武 結髮從漢 動協人謀
功實天贊 定齊破項 我軍常冠
蒯成委質 夷險不亂 主上稱忠
人臣振腕

傳寬蒯成列傳第三十八 史記九十八

劉敬叔孫通列傳第三十九 史記九十九

劉敬者齊人也索隱曰敬本姓婁漢書作婁敬漢五年成隴

西過洛陽高帝在焉婁敬脫輓輅蘇林曰一木橫鹿車

前一人推之孟康曰輅音胡格反輓音晚○索隱曰輓者牽也輅者鹿車前橫木二人前

輓一人後推之衣其羊裘見齊人虞將軍曰臣願見

上言便事虞將軍欲與之鮮衣索隱曰上音仙鮮衣美服

也婁敬曰臣衣帛衣帛見衣褐衣褐見終不

敢易衣於是虞將軍入言上上召入見賜食